

南谷縣志

四卷  
四冊

宛涇鄭居中重創  
長白麟書纂成

府志

乾隆四十八年定

本衙藏板

府谷縣志序



府谷古稱陽榆中地負山阻河偏處邊塞明末潢池  
竊發府州爲首難

國朝初年復罹餘孽高有才之變蹂躪摧殘揚介瑤題  
名稱其斗城如故高踞懸崖睥睨半隴茅茨不掩蕭  
檣情形宛然在目今則戶慶盈寧民安耕鑿而知禮  
義益

國家重熙累洽休養生息百世於十年復得良有司如志  
所稱別宏達魏震龔榮遇垣心許玉諸人撫字心勞庶

府谷縣志

序

加而富富加而教故能利賴以至於今惟是自古言  
治人者必先治法蓋一邑之疆理山川土田民物官  
師學校利弊沿革必先實出于中而後見之施行各  
得其職所謂由前言之爲得所知由後言之爲尊所  
聞則志乘其未可緩也今奉

天子恩命簡任封圻巡撫茲上七稔于茲前於丙申入  
覲曾經奏請先將府志重加修輯乘節西旋次第甄綜厥  
事而各縣屬亦相率以請余惟一縣志者府州之權輿  
也縣志修明而府州當益臻美可喜榆林府府志

縣以成書來上

令以

名孝廉出宰百里政教

修明余嘗爲書上考列薦于

朝是書爲所手輯善必可以備二方文獻亟披覽之爲  
卷者四爲門三十有二編次井井勿漏勿支若網在  
綱若農有畔至其中隨地隨事徵引考據尤見其平  
素心乃公事在在引爲己責務爲其可傳而後辨晰  
詳明至於如此此其致力亦良勤矣嗟乎士人一行  
作吏縮銅章垂墨纒疑然爲一方保障乃問山川田  
賦不知問民風土物不知顧名思義其不一於曠且

府谷縣志

序

二

瘼者幾希今令旣以實心知之因卽實政行之將來  
報最循良無難與漢王舒廉范崔實諸賢爭烈而劉  
魏龔揚不獲專美於前庶弗辜余之厚望耳爰從其  
請而爲之弁

乾隆癸卯春二月

賜進士及第兵部侍郎兼都察院右副都御史巡撫陝西  
西安等處地方贊理軍務兼大理糧餉軍功加七級鎮  
洋畢沅撰

靈泉芳潤

縣東北海子廟計二十五里廟外石山類峭壁下有靈  
泉水甚甘美寺僧作小溝曲折而下灌溉於田間水餘  
放於大池亢旱若禱雨取此泉水能興雲雨以利世旁  
生石臺亭立其上引為流觴曲水列坐其次北望漢節  
如匹練其地旁能種稻田夏月間玩景納涼遊人勝焉

河中山寺

縣東河中之山微偏西  
岸周二里許頂高一十八丈  
上有寺曰山寺者前殿有  
佛像名爲大雄氏故云山寺  
冬春黃河水落一葦可涉  
回未甚壯觀至夏秋之交兩  
旁波浪浩淼寺上四眺河  
水奔黃柳梢颺綠超然邈然  
輒爲諫身在水雲鄉之句  
而驚濤圍湧又恍坐王濬樓  
船上也

玉柱凌雲

縣東門外圓通寺東河岸有石柱。山河觀之挺然特出。旬河中寺游舟而下。見兩岸巖壑。竝立此柱。突立河西岸。肆岬上聳高插雲端。天氣晴朗。陽西斜。柱影橫日河中。其高為何。如名曰凌雲宜也。柱頂若獅子頭。口高迎朝。曠夏秋間。綠苔上布。愈覺森然。似下三丈許。中微裂。剖分一柱。頂石如伏獸。再下三丈許。隨石勢。攀爲小廟。高寬五尺。內鑿三佛像。底有一線。而道可扳緣而上。其天然奇勝。更有如此者。

圓松疊翠

鎮羗堡北門外半里許有古松南北蔭四丈四尺東西  
庇五丈六尺榭圍八尺高二丈四尺枝皆曲盤如圓蓋  
層層鋪翠夏月間乘涼不覺炎日延賓可設八簾宴樂  
其間夫鎮羗末堡也差務來往交接之區尤有此美景  
誠所謂地効其靈天擬其秀者游焉息焉可詠天保之  
章矣

府谷縣志

卷之

景

四

聖澤

職官

公署

學校

祠祀

寺觀

城池

建置

附錄

遺蹟

里甲

街衢

古蹟

市集

口口

山川

井泉

道路

津梁

田賦

倉廩

卷之三

名宦

兵防

驛傳

卷之四

府谷縣志

卷之

目錄

人物

忠節

孝子

義行

教孝

鄉飲

祥異

風俗

物產

聖澤

康熙三十一年十月初四日奉

旨蠲免康熙三十二年地丁銀米并從前積欠未完錢糧

康熙三十六年二月丁亥

上統六師啟行庚戌

上自保德州渡黃河

駐蹕府谷城辛亥

上仍駐蹕府谷縣城南三月壬子朔

駕駐蹕府谷縣城南癸丑

府谷縣志

卷之二

聖澤

駕至孤山堡西駐蹕甲寅

上駐蹕邊家水口乙卯

邊省志作卞誤

上駐蹕神木縣丙辰

上渡屈野河駐蹕自榆林至橫城口安設驛站

駕次榆林由口外至寧夏應自榆林起設驛至橫城口設

此驛也以前次內路增驛預脩之馬照鄉導官所分

宿頭每驛設馬三十匹筆帖式一員蒙古台吉一員

章京一員坡甲十名此坐驛筆帖式以現在隨行部

院筆帖式充之

駕至寧夏後卽撤此驛將巡撫所備馬槽置內驛中

上准行省志康熙五十七年閏八月二十三日奉

旨蠲免本色米豆并康熙五十八年應徵民糜地丁錢糧

雍正七年六月十二日奉

旨蠲免縣民糜俗寫糜地丁正項錢糧十分之三雍正七年

八月十一日奉

旨蠲免民糜地丁正項錢糧乾隆元年十月二十八日奉

旨蠲免錢糧蠲免一半乾隆二年秋禾被雹案內成災共

五十六村民一百三十七戶民糜地七十八頃五十

府谷縣志

卷之

聖澤

八畝二分一釐共免本色糧六十二石三斗八升二

合五勺共免折色銀四十七兩四錢一分六厘共免

耗銀七兩一錢一分二厘乾隆十年六月初六日奉

旨蠲免乾隆丙寅年應徵民糜地丁正項錢糧乾隆二十

二年陝撫部院明題報秋禾被災案內撫恤過之

食貧民共一萬四千二百三十九戶內大口四萬三

千八百口小口一萬七千四百四十四口又聞賑歸

來貧民八十三戶內大口二百五十八口小口一百

五十二口二共撫恤過之食貧民一萬四千三百二

十二戶每大口日給京升米五合小口折半共撫恤  
過京斗米七千五百五十九石六斗四升七合五勺  
又加賑過貧民一萬四千三百二十二戶內極貧民  
八千七百三戶大口二萬五千二百八十一口小口  
一萬一千九十口次貧民五千六百一十九戶大口  
一萬八千五十七口小口六千五百五口每大口日  
給銀六厘小口折半自二十二年十一月起至二十  
三年正月月底止共賑濟過銀一萬五千二百四十五  
兩七錢四分五厘又奉

府谷縣志

卷之

聖澤

三

旨恩賑過乾隆二十二年秋禾被灾極貧次貧共七千六  
百二十九口內大口一萬九千二百九十二口小口  
八千二百七十口每大口日給銀六厘小口折半自  
二十三年二月起至三月底止共賞賑過兩月口糧  
銀八千二百九十三兩一錢五分八厘乾隆二十二  
年報明秋禾被灾情形事內被灾六七八九分不  
等共免過民地本色糧五石三十五石二斗一升七  
合免過民折色銀七百四十三兩二錢六分五厘免  
過耗羨銀一百一十一兩四錢八分九厘免過糜地

折色銀二百九兩七分七厘免過耗羨銀三十一兩  
三錢六分一厘乾隆二十四年五月初二日奉

旨普免本年額徵地丁銀糧加恩普免十分之三乾隆二  
十四年陝撫部院鍾 題報沿邊秋禾偏災案內撫  
恤過乏食貧民共三千二百二十四戶內大口九千  
五百九十口小口三千九百五十三口每大口日給  
銀六厘小口折半二共撫恤十月一月銀二千零一  
十二兩五錢七分一厘共加賑過之食貧民二千八  
百戶內極貧一千二戶內大口二千八百七十四口

府谷縣志

卷之

聖澤

四

小口一千三百四十二口次貧一千七百九十八戶  
內大口五千四百七十九口小口二千一百六十八  
口每大口日給銀六厘小口折半自十一月起至十  
二月底止共賑過銀二千四百五十七兩五錢四分  
又乾隆二十五年三月內奉文補賑乏食貧民二千  
八百戶自二十四年十一月起至十二月底止每大  
口日補銀四厘小口折半共補過銀一千六百三十  
三兩二錢六分又奉

旨恩賑過二十四年秋 禾被旱成災極次貧民共三千二

百二十四戶內大口九千五百九十口除逃亡大口  
二十一口止賑過大口九千五百六十九口小口三  
千五百六十九口小口三千九百五十三口除逃亡  
小口一十八口止賑過小口三千九百三十五口每  
大口日給銀一分小口折半自二十五年四月起至  
五月底止共賞賑過兩月口糧銀六千六百九十一  
兩一錢七分二十四年詳請題報沿邊秋禾備災案  
內被災六七八分不等共免過民地本色糧二百四  
十四石九斗七升五合九勺免過民地折色銀三百

府谷縣志

卷之二

聖澤

五

四十兩二錢二厘九毫免過耗羨銀五十一兩三分  
乾隆三十五年正月奉

旨蠲免三十六年應徵民墾地丁正項錢糧一次三十七  
年二月奉

旨蠲免本色米豆一次十七年二月奉

旨蠲免四十三年秋禾霜借欠籽種口糧京斗穀  
八百二十二石三斗

職官

文職

知縣一員 巡檢一員乾隆五年設 典史一員 儒學教

諭一員 訓導一員 陰陽訓術 醫學訓科 僧

會司 道會司 舊有清水孤山鎮卷永興四倉大

使康熙年裁

武職

縣城駐防經制額外千總一員 黃甫堡遊擊一員原設

守備康熙六年改 經制外委一員雍正七年添設 額外外委一

府谷縣志

卷之一 職官

員乾隆二十八年添設此 清水堡把總一員原設

康熙六年設 木瓜堡守備一員 經制外委一員 額

外外委一員 孤山堡都司一員原設副將順治十年八月移駐神

木改守備雍正十年改都司鎮卷同 經制外委一員 額外外委一

員 鎮卷堡都司一員 經制外委一員 額外外

委一員 麻地溝營千總一員乾隆元年設

公署

萬壽宮在縣署西北乾隆四十六年知縣麟書捐廉率闔  
邑士庶捐資創造高臺上建亭三楹下有東西  
朝房六楹 看守房二楹 宮門三楹

縣署舊在城南學宮西明洪武十九年知縣齊翔建  
本朝順治十七年知縣龔榮遇移北察院乾隆四十六  
年知縣麟書捐廉創造高臺上建

文昌閣一楹 齋舍一楹 觀雨亭一楹在二堂後爲主  
位 東院有安樂室三楹 墻東有慶樂屋三楹

府谷縣志

卷之一

公署

二堂右院有宴樂齋三楹 二堂五間額曰和寧堂

大堂三楹額曰麟府生輝聯曰職任榆東率黎庶  
共履春臺立志愛民而潔已疆居晉北爲國家勞敷  
膏澤存心息訟以寧人東爲

常裕庫外爲內更房 東西吏舍八間 東院有立稿  
房四間 西院有養馬廄七間 儀門三間 東西  
角門 大門二間內有班房二間外有更房二間

監 在大門內西偏 女監 在土地祠後

鐘樓 在大門外左乾隆四十八年知縣麟書勸建額